

Baez gangj daengz Duzmou, vunz couh siengj daengz duzde “ninzngeodngood、gwn lailai、youh mwnh youh biz”, gij yiengh neix hawj vunz doiq duzmou miz yawjmbieng, hoeng daxboh gou couh mbouj dwg yienghneix, daxboh gig gyaез duzmou, doiq duzmou miz gamjcingz laegna dangqmaz.

Daxboh miz seiq beixnuengx, de baiz boux daihsei. Seizhaenx ndaw ranz mbouj miz cienz, gwndaenj gig hoj, daengx ranz vunz ninz youq sam fungh ranzhaz, seizdoeng rumznit ci, seizhah deng fwnroh. Gwn mbouj imq, ndaem geij moux naz, daengx bi gyau haeuxliengz le haeux lij mbouj gaeuq gwn.

Daxboh gouj bi seiz cij ndaej youq aen hagdangz iq ndaw mbanj doegsaw. Seizhaenx sam boux dahcej hix cingq doegsaw, cienzsaw seiq boux lwnyeuz aeu seiq haj bak maenz ne! Seizhaenx, ndaw mbanj ranzranz ciengx mouiq, muengh dwk duzmou majhung gai ndaej cienz hawj lwnyeuz gyau cienzsaw! Vihliux hawj gyoengq lwnyeuz ndaej doegsaw, daxgeq moix bi cawx ma song duz moulwg, saeqsim guengciengx. Daxboh moix ngoenz cuengqhag maranz, couh gip dwk caeuq gyoengq doengzdoh bae gip byaekmou, muengh duzmou maj hung

saqjvwuz

Daxboh Caeuq Duzmou

父亲与猪

□ Luz Ginh/陆军

maj biz. Hagdangz yaek hwnjdangz lo, duzmou iq hix menhmenh maj biz lo. Seizhaenx daxgeq couh heuh cangh gajmou daeuj ndaw mbanj, dawz song duz mouhung gaj lo. Yienghneix gvaq ndaej seiq haj ngoenz couh aeu ndaej cienz nohmou, seiq boux lwnyeuz couh miz cienz doegsaw lo. Hoeng, mizseiz gij cienz aeu mbouj ndaej vaiq, gip ndaej daxboh dauqcauq ra cienz, mbouj gamj bae hagdangz. Couh yienghneix, daxboh yawj dwk gij mou ndaw ranz baenz duz baenz duz maj biz gaj gai, haemzhaemz hojhoj doeg sat liux siujyoz, doeg sat liux cuhcungh. Daxboh miz fuk, baengh swhgeij roengzrengz doegsaw, gauj hwnj aen cunghconh ndeu, doeklaeng ra ndaej faenh hong ndei ndeu.

Seizneix, moix baez daxboh lwnh gij saeh seiziq doegsaw, de cungj danqheiq naeuz: “Caeklaiq duzmou

bang liux gou ha, mbouj miz duzmou, gou hix mbouj baenz ngoenzneix!” Gizsaed, dou cungj dingq ndaej rox, daxboh ndawsim docih duzmou, engqgya docih daxgeq, hix rox daxboh vih maz doiq duzmou baenzneix miz gamjcingz.

Ngeix daengz goj daxboh caeuq duzmou, gou caen dwg haenh gij swnghhoz ngoenzneix gyoengqraeuz. Yienznaeuz ndaw mbanj seizneix lij miz geij ranz vunz ciengx mou, hoeng gyoengqde mbouj dwg vih ciengx mou gai aeu cienz, cijdwg vih ndaej gwn nohmou “doj”!

Gou daj hwnj hagdangz doegsaw, couh mbouj souhgvaq gij gwndaenj haemzhoj, mbouj you gwn mbouj you daenj, doxgaiq yungh hagsib yienghyiengh cungj miz, siengj cawx gijmaz couh cawx gijmaz. Caemhcai, seizneix doegsaw hix mbouj yungh

gyau cienzsaw lo. Daihgya siengjsiengj couh gangj gij saeh doegsaw, daihboh caeuq daihraeuz, gaenq fatseng bienqvaq gig hung! Caiq yawj gwndaenj gyoengqvunz ranzmbanj: Mbanjmbanj doeng goengloh, ranzranz miz ranzlaeuz, denva、soujgih、caijden yienghyiengh cungj miz. Song bi neix haujlai ranz cieп le vangjloz, caiq miz haujlai ranz cawx giceh lo! Ngoenzneix vunz ranzmbanj caiq mbouj lumj gaxgonq ityiengh bae gyau suiqlaeux, gyoengqde swhgeij banh gunghcangj, guh dajciengx, saedcej yied gvaq yied ndei.

Doengxaemh gwn haeux, gangj daengz seizneix lajmbanj bienqvaq moqsagsag, daxboh cix baengh gij laeujangq guh le hot fwen ndeu:

Cwngcwz dangj ndei lai,
Gwnzbiengz hai vagim;
Cauxfuk hawj lwgminz,
Aencingz hung gvaq mbwn.



gojgaeq

Lwgsai Cawx Goengmbwn

买上帝的男孩

□ Vangz Yungzmenz/黄荣棉

Boux lwgsai ndeu, gaem maenz cienz ndeu, riengz gai cam vunz ndaw diemqhuq: “Mwngz gizneix miz goengmbwn gai lwi?” Mizmbangj boux diemqcauw naeuz mbouj miz, mizmbangj ngeiz de dwg daeuj gyauxluen, caengz gangj vah couh gyaep de ok diemq bae.

Mbwn yaek laep seiz, lwgsai bae daengz aen diemq daih ngeihcib gouj, diemqcauw mizsim ciepdaih de. Diemqcauw dwg boux vunzgeq loegcib lai bi, byoemgyaeu hau, lwgda sienh, de riu dwk cam boux lwgsai: “Lwnh gou nyi, mwngz cawx goengmbwn guh maz ne?” Lwgsai raemxda lae dwk

lwnh bouxgeq, de heuh Banghdiz, daxboh daxmeh gig caeux couh dai lo, dwg daxau ciengx de majhung. Daxau dwg boux guhranz ndeu, geij ngoenz gonq de daj gwnz gyaqranz doek roengzdaeuj, maez bae mbouj singj. Canghyw naeuz, cijmiz goengmbwn cij gouq ndaej de. Gou siengj, goengmbwn itdingh dwg yiengh doxgaiq gig geizheih ndeu, gou cawx goengmbwn dauqma, hawj daxau gwn le gij sieng de itdingh bienq ndei.

Goenglaux da nyinh lo, cam: “Mwngz miz geijlai cienz?”

“Miz maenz ndeu.”

“Lwnyeuz, baihlaj gij gyaqcienz

goengmbwn ngamj dwg maenz cienz ndeu.” Goenglaux cieп gvaq maenz cienzdih le, daj gwnzgyaq aeu bingz yinjliu heuhguh “goengmbwn cup de” ndeu hawj Banghdiz. “Dawz bae, daxau mwngz gwn bingz ‘goengmbwn’ neix le couh mbouj miz saeh lo.” Goenglaux naeuz.

Banghdiz dawz bingzyinjliu umj youq ndaw rungj, angqvauvau dauqma yihyen, baez haeuj fuengzbingh, de couh heuh dwk: “Daxau, gou dawz goengmbwn cawx dauqma lo, bingh mwngz gig vaiq couh ndei lo!”

Gvaq le geij ngoenz, aen yihliuz siujcuj youz boux canghyw gwnz seiqgyaiq cieq okmingz gyoebbaenz ndeu daeuj daengz ndaw yihyen, bang daxau lwgsai yawjbingh, gyoengqde yungh gisuz cieq senhein haenx daeuj ywbingh, sieng daxau Banghdiz gig vaiq couh ndei lo.

Okyen seiz, daxau yawjraen cienzyw gig lai, yaek maez gvaqbae, yihyen naeuz de nyi, cienzyw gaenq

miz boux laux ndeu bang de ok lo. Boux laux haenx dwg boux mizcienz ndeu, de nyuenz dwg boux dungjswcangj aen gunghsw hamsuek ndeu, duiyouh le daeuj gizneix youq, hai aen diemqgaihuq ndeu, cwxcaih gvaq saedcej. Aen yihliuz siujcuj couhdwg de yungh cienz cingj daeuj.

Daxau gamjdoengh raixcaix, de sikhaek caeuq Banghdiz bae docih goenglaux, hoeng goenglaux gaenq dawz aendiemq gai bae, ok guek bae youz lo.

Doeklaeng, daxau sou ndaej fung saenq ndeu, dwg goenglaux sij ma, ndaw saenq naeuz: Bouxcoz, mwngz miz Banghdiz boux lwg neix, miz fuk lailai ha, vihliux gouq mwngz, de dawz maenz cienz ndeu dauqcauw bae cawx goengmbwn……dwg de gouq gij mingh mwngz, hoeng mwngz itdingh aeu ciengxlwenx geiqmaenh, boux goengmbwn caen haenx, dwg gij simgyaez gyoengqvunz.

Liu Dughswng naeuz: “Duenhneix aenvih doek fwn lai, goengloh diegbya loemqlak, ci haeuj mbouj ndaej, miz mbanj gyu deng duetgai, dou gaenq guh cosih le, ci haeuj mbouj ndaej ne, dou cix yungh max daeuj doz haeujbae.”

De naeuz: “Gaijgez le cix ndei. Lumj gyu、youzhau、habfeiz gij doxgaiq vunzlai ngoenzngoenz aeu yungh haenx, sanghyez bumwnz itdingh aeu baujcingq gunghawj, gaej guh duetgai, mboujnex vunzlai cix aekging.”

Guh boux vunz hong yinzminz, Veiz Gozcingh cungj seizseiz cuengq gij haemzhoj youq ndaw sim bonjfaenh.

Mwh aen ngoenzsinghgiz yaek haeuj ndwencieng ndeu, de heuh misuh cingj Vangz Gwzginz caeuq

Namzningz Si sicangj Yenz Gvangh—cangj daeuj, naeuz yaek bae ngonznongz gij hawciengz gvaq cieng Namzningz.

Vangz Gwzginz dwg boux ganbu Bouxcuengh ndeu, aenvih gij saeh haeuxgwn, geij bi neix daeuj caeuq Veiz Gozcingh baedauq haemq lai.

Ngoenzhaenx, Vangz Gwzginz ngamq haeuj dou, Veiz Gozcingh cix cam: “Lauxvuengz, ndaw cang lij miz geijlai haeuxgwn, dingj ndaej roengzbae lwi?”

Vangz Gwzginz genjdanh gyoeb—lwnh le naeuz: “Bineix ndei gvaq song sam bi gonq, hoeng haeuxgwn lij gaenj di.”

De doq cieп vah naeuz: “Gaej guh mbouj singjaeh bw, sou aeu gibseiz gaemdawz cingzgvang, guh ndei anbaiz.”

Cingq doxgangj dwk, Yenz Gvanghcai lingx boux sang ndeu haeuj ndaw ding daeuj.

(caengz sat)

Veiz Gozcingh Sangcieng Cawj—guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Namzningz Si sicangj Yenz Gvangh—cangj daeuj, naeuz yaek bae ngonznongz gij hawciengz gvaq cieng Namzningz.

Vangz Gwzginz dwg boux ganbu Bouxcuengh ndeu, aenvih gij saeh haeuxgwn, geij bi neix daeuj caeuq Veiz Gozcingh baedauq haemq lai.

Ngoenzhaenx, Vangz Gwzginz ngamq haeuj dou, Veiz Gozcingh cix cam: “Lauxvuengz, ndaw cang lij miz geijlai haeuxgwn, dingj ndaej roengzbae lwi?”

Vangz Gwzginz genjdanh gyoeb—lwnh le naeuz: “Bineix ndei gvaq song sam bi gonq, hoeng haeuxgwn lij gaenj di.”

De doq cieп vah naeuz: “Gaej guh mbouj singjaeh bw, sou aeu gibseiz gaemdawz cingzgvang, guh ndei anbaiz.”

Cingq doxgangj dwk, Yenz Gvanghcai lingx boux sang ndeu haeuj ndaw ding daeuj.

(caengz sat)